


齐家文化与华夏文明

马志勇 唐士乾 编



甘肃民族出版社

齐家文化与华夏文明

QI / JIA / WEN / HUA / YU / HUA / XIA / WEN / MING

主 编 马志勇 唐士乾

副主编 马俊华 马宝明

江苏工业学院图书馆
藏书章



甘肃民族出版社

目 录

第一部分 夏禹史料

一、经典文献	(003)
二、史籍文献	(020)
三、辞书	(063)
四、诸子文献	(067)
五、其他有关文献资料	(099)

第二部分 研究文章

深入挖掘大禹文化资源 促进我省文化建设	李并成(117)
正本清源说齐家	易 华 唐士乾(122)
广河川是大禹的故乡,华夏文明的发祥地	马志勇(127)
从齐家到二里头:夏文化探索	易 华(135)
大夏沧桑	马俊华(154)
中国最早青铜时代——齐家文化铜器探究	唐士乾 马宝明(171)
古羌人是齐家文化缔造者	马志勇(175)
夏族——华夏文明的源头	马俊华(182)
中国最早青铜时代——齐家文化的发现与研究	唐士乾 马全忠(198)
大夏之故地与民族	关意权(203)
大夏遗址——古城村	马福荣(210)
大禹导河与积石山	董克义(211)
四千年前齐家先民神秘的商贸之路	王文元(218)
华夏文明与齐家文化	马志勇(225)

西玉东输与华夏文明的形成	叶舒宪(238)
寻古踏幽访齐家	王晓元(242)
大夏部落的水崇拜——临夏彩陶的新解读	马志勇(248)
大夏古城——华夏第一城	马俊华(254)
铜踪夏迹见齐家——西北访古游	易 华(258)
华夏文明发源于齐家文化——访中国社会科学院研究员易华	马守璞(271)
齐家文化源流浅议	杜 维 杨江南(276)
大夏川:探秘大夏遗踪	王文元(287)
寻访涂山氏故地	马俊华(293)
中国最早青铜时代——齐家文化的陶器研究	唐士乾 马全忠(297)
羌人故里 大禹故乡	马守璞(300)
广河古城考察记	马志勇(303)
鲧禹治水传说与先夏文化东渐新探	张得祖(308)
大夏古城	张有财(314)
大夏县	王宗元(318)
滴水大夏水考	邓 隆(321)
齐家文化玉器综评	丁秀平(326)
大月氏人种及西甯年代考	张西曼(330)
“丝绸之路”前身为“玉石之路”	叶舒宪(337)
积石泄湖寻禹迹	赵 忠(340)
甘肃考古发掘轰动考古界 揭开齐家文化独特葬俗	王文元(350)
临夏齐家文化遗迹合葬墓	史有勇(356)
探索华夏文明 聚焦齐家文化	易 华(360)
齐家文化——被历史湮没的高原明珠	马志勇 马宝明(368)
夏人崇黑的奇特习俗	马志勇(374)
走向世界的文化名片——广河县全力推进齐家文化保护开发工作	王晓元 马 龙 梁永吉(384)

齐家文化的发现与特征	马俊华(388)
从大夏到崂崂	马尚华(394)
土石之音——齐家文化古乐器及音律浅谈	李建侯(398)
夏水岸畔的古城	马守璞(403)
安特生与中国考古学	马俊华(413)

第三部分 诗词歌赋

公无渡河	李 白(421)
禹庙	杜 甫(421)
《史记·夏本纪·索隐》述赞	司马贞(422)
《史记·三代世表·索隐》述赞	司马贞(422)
《史记·河渠书·索隐》述赞	司马贞(423)
九鼎	王安石(423)
于赫神禹	钟 惺(424)
南乡子	杨 慎(424)
雪山天下高	周洪模(425)
谒大禹庙	爱新觉罗·玄烨(425)
禹穴歌	黄尚毅(426)
黄河赋	[晋]成公綏(427)
题积石	[明]沈 越(428)
题积石	[明]高 弘(428)
题积石	[明]李景隆(429)
题积石	[明]解 缙(430)
题积石	[明]杨一清(431)
题积石	[明]张 涣(431)
禹王庙	[明]张 涣(432)
题积石	[明]李 玘(433)
题积石	[明]范 霖(434)
禹王庙	[明]沈 越(434)

题积石	[明]刘西泉(435)
题积石	[明]风 泉(436)
题积石	[明]张 鹏(437)
题积石	[明]胡 曾(437)
题积石	[明]鲍 龙(438)
大河行	[明]吴 铠(438)
闻大夏水声	[清]徐志遇(440)
积石	[清]郭朝佐(440)
积石	[清]王全臣(441)
积石	[清]吴 镇(442)
积石奔流	[清]张 和(442)
泄湖春涨	[清]张 和(443)
泄湖峡	[清]李 苏(444)
泄湖峡铭	[清]吴 镇(444)
游泄湖峡歌	[民国]邓 隆(445)
望积石	[民国]祁魁元(446)
登积石山感怀	[民国]祁魁元(447)
禹王石歌	张 建(447)
积石神功	张 建(449)
忆积石关禹庙旧址	张 建(450)
后游泄湖峡歌	张 建(450)
泄湖峡观水四首	张 建(452)
积石采访俚句(五首)	赵 忠(454)
积石关怀古	安有才(456)
清平乐·积石关	郭 栋(456)
咏禹王	姚文仓(457)
念奴娇·登钟鼎山	陈海龙(457)
广河诗一组	李逢忠(458)
齐家坪访古	阿 麦(460)

大夏故里	广东翁(461)
悼念大禹治水	马元龙(461)
禹王庙记	吴 祯(463)
重修积石禹王庙记	彭 泽(464)
重修禹王庙记	唐 龙(465)
禹庙赋	陆 游(466)
夏羊(组诗)	马尚文(467)
齐家吟	王晓元 唐士乾(472)

第四部分 传说故事

大禹导河得延喜玉的故事	马少青搜集整理(475)
禹王石的传说	董克义搜集整理(476)
大禹斩蛟崖	董克义搜集整理(477)
积石大禹	董克义搜集整理(478)
禹王承位会诸侯	周 游(480)
阿力麻土传说	马福荣搜集整理(481)
禹即天子位	马志勇搜集整理(482)
大禹薄丧礼	马志勇搜集整理(483)
鸟鼠同穴	马志勇搜集整理(486)
龟献洛书	马志勇搜集整理(487)
禹铸铁牛	马志勇搜集整理(488)
鲤鱼跃龙门	马志勇搜集整理(489)
禹凿大夏湖	马志勇搜集整理(491)
后记	(493)

第一部分 夏禹史料

DIYIBUFEN XIAYUSHILIAO

一、经典文献

帝曰：“咨！四岳！汤汤洪水方割，荡荡怀山襄陵，浩浩滔天。下民其咨，有能俾乂？”兪曰：“呼，鲧哉！”帝曰：“吁！咈哉！方命圯族。”岳曰：“异哉，试可，乃已。”帝曰：“往，钦哉！”九载，绩用弗成。

帝曰：“咨！四岳！朕在位七十载，汝能庸命，巽朕位？”岳曰：“否德忝帝位。”曰：“明明扬侧陋”。师锡帝曰：“有齔在下，曰虞舜。”帝曰：“兪，予闻。如何？”岳曰：“瞽子，父顽，母嚚，象傲；克谐以孝，烝烝乂不格奸。”帝曰：“我其试哉。”女于时，观厥刑于二女。厘降二女于妫汭，嫔于虞。帝曰：“钦哉！”

《尚书·尧典》

二十有八载，帝乃殂落，百姓如丧考妣，三载，四海遏密八音。

月正元日，舜格于文祖。询于四岳，辟四门，明四目，达四聪。咨十有二牧，曰：“食哉，惟时！柔远能迩，惇德允元，而难任人；蛮夷率服。”

舜曰：“咨！四岳！有能奋庸，熙帝之载，使宅百揆，亮采惠畴？”兪曰：“伯禹作司空。”帝曰：“兪咨！禹，汝平水土，惟时懋哉！”禹拜稽首，让于稷、契暨皋陶。帝曰：“兪，汝往哉！”

《尚书·舜典》

曰若稽古大禹，曰：“文命敷于四海，祇承于帝。”曰：“后克艰厥后，臣克艰厥臣，政乃乂，黎民敏德。”

帝曰：“兪，允若兹，嘉言罔攸伏，野无遗贤，万邦咸宁。稽于众，舍己从人，不虐无告，不废困穷，惟帝时克。”益曰：“都。帝德广运，乃圣乃神，乃武乃文。

皇天眷命，奄有四海，为天下君。”禹曰：“惠迪吉，从逆凶，惟影响。”益曰：“吁！戒哉，儆戒无虞，罔失法度；罔游于逸，罔淫于乐；任贤勿贰，去邪勿疑，疑谋勿成，百志惟熙；罔违道以干百姓之誉，罔拂百姓以从己之欲，无怠无荒，四夷来王。”

禹曰：“于！帝念哉！德惟善政，政在养民。火、水、金、木、土、谷，惟修；正德、利用、厚生，惟和；九功惟叙，九叙惟歌。戒之用休，董之用威，劝之以九歌，俾勿坏。”帝曰：“俞！地平天成，六府三事允治，万世永赖，时乃功。”

帝曰：“格汝禹！朕宅帝位，三十有三载，耄期倦于勤，汝惟不怠，总朕师。”禹曰：“朕德罔克，民不依；皋陶迈种德，德乃降，黎民怀之。帝念哉！念兹在兹，释兹在兹；名言兹在兹，允出兹在兹。惟帝念功！”

帝曰：“皋陶，惟兹臣庶，罔或干予正。汝作士，明于五刑，以弼五教，期于予治。刑期于无刑，民协于中，时乃功，懋哉！”皋陶曰：“帝德罔愆，临下以简，御众以宽，罚弗及嗣，赏延于世，宥过无大，刑故无小，罪疑惟轻，功疑惟重。与其杀不辜，宁失不经。好生之德，洽于民心，兹用不犯于有司。”帝曰：“俾予从欲，以治四方风动，惟乃之休。”

帝曰：“来！禹！降水儆予，成允成功，惟汝贤。克勤于邦，克俭于家，不自满假，惟汝贤。汝惟不矜，天下莫与汝争能；汝惟不伐，天下莫与汝争功。予懋乃德，嘉乃丕绩，天之历数在汝躬，汝终陟元后。人心惟危，道心惟微，惟精惟一，允执厥中。无稽之言勿听，弗询之谋勿庸。可爱非君，可畏非民，众非元后何戴，后非众罔与守邦。钦哉！慎乃有位，敬修其可愿，四海困穷，天禄永终。惟口出好兴戎，朕言不再。”禹曰：“枚卜功臣，惟吉之从。”帝曰：“禹！官占，惟先蔽志，昆命于元龟。朕志先定，询谋佥同，鬼神其依，龟策协从，卜不习吉。”禹拜稽首固辞。帝曰：“毋，惟汝谐。”

正月朔旦，受命于神宗，率百官若帝之初。帝曰：“咨禹！惟时有苗弗率，汝徂征。”禹乃会群后，誓于师曰：“济济有众，咸听朕命。蠢兹有苗，昏迷不恭，侮慢自贤，反道败德。君子在野，小人在位，民弃不保，天降之咎。肆予以尔众士，奉辞伐罪，尔尚一乃心力，其克有勋。”

三旬，苗民逆命。益赞于禹曰：“惟德动天，无远弗届。满招损，谦受益，时乃天道。”帝初于历山，往于田，日号泣于旻天、于父母。负罪引慝，祇载见瞽瞍，夔夔斋栗，瞽亦允若；至诚感神，矧兹有苗。禹拜昌言曰：“俞！班师振旅。”帝乃诞敷文德，舞干羽于两阶。七旬，有苗格。

《尚书·大禹谟》

曰若稽古皋陶，曰：“允迪厥德，谟明弼谐。”禹曰：“俞，如何？”皋陶曰：“都！慎厥身修，思永。惇叙九族，庶明励翼，迓可远、在兹。”禹拜昌言曰：“俞。”

皋陶曰：“都！在知人，在安民。”禹曰：“吁！咸若时，惟帝其难之。知人则哲，能官人；安民则惠，黎民怀之。能哲而惠，何忧乎驩兜？何迁乎有苗？何畏乎巧言令色孔壬？”

皋陶曰：“都！亦行有九德；亦言其人有德，乃言曰：载采采。”禹曰：“何？”皋陶曰：“宽而栗，柔而立，愿而恭，乱而敬，扰而毅，直而温，简而廉，刚而塞，强而义；彰厥有常，吉哉。日宣三德，夙夜浚明有家；日严祗敬六德，亮采有邦。翕受敷施，九德咸事；俊乂在官，百僚师师，百工惟时。抚于五辰，庶绩其凝。无教逸欲有邦。兢兢业业，一日二日万几。无旷庶官，天工人其代之。天叙有典，勅我五典五惇哉；天秩有礼，自我五礼有庸哉。同寅协恭和衷哉。天命有德，五服五章哉；天讨有罪，五刑五用哉。政事懋哉懋哉。天聪明，自我民聪明；天明畏，自我民明威。达于上下，敬哉有土！”

皋陶曰：“朕言惠，可底行。”禹曰：“俞，乃言底可绩。”皋陶曰：“予未有知，思曰赞赞襄哉。”

《尚书·皋陶谟》

帝曰：“来，禹！汝亦昌言。”禹拜曰：“都，帝！予何言？予思日孜孜。”皋陶曰：“吁！如何？”禹曰：“洪水滔天，浩浩怀山襄陵；下民昏垫。予乘四载，随山刊木。暨益奏庶鲜食。予决九川，距四海；浚畎浍，距川。暨稷播奏庶艰食；鲜食，懋迁有无化居。烝民乃粒，万邦作乂。”皋陶曰：“俞，师汝昌言。”禹曰：“都，帝！慎乃在位。”帝曰：“俞。”禹曰：“安汝止，惟几惟康，其弼直；惟动丕应。徯志以昭受上帝，天其申命用休。”

帝曰：“吁！臣哉邻哉！邻哉臣哉！”禹曰：“俞。”帝曰：“臣作朕股肱耳目：予欲左右有民，汝翼。予欲宣力四方，汝为。予欲观古人之象，日、月、星辰、山、龙、华虫、作会，宗彝、藻、火、粉米、黼、黻、絺绣，以五采彰施于五色，作服，汝明。予欲闻六律、五声、八音，在治忽，以出纳五言，汝听。予违，汝弼；汝无面从，退有后言。钦四邻，庶顽谗说，若不在时，侯以明之，挾以记之；书用识哉，欲并生哉。工以纳言，时而扬之；格则承之庸之，否则威之。”

禹曰：“俞哉，帝！光天之下，至于海隅苍生，万邦黎献，共惟帝臣。惟帝时

举，敷纳以言，明庶以功，车服以庸。谁敢不让，敢不敬应？帝不时敷，同日奏、罔功。无若丹朱傲，惟慢游是好，敖虐是作，罔昼夜；罔水行舟，朋淫于家，用殄厥世。予创若时，娶于涂山，辛壬癸甲；启呱呱而泣，予弗子，惟荒度土功。弼成五服，至于五千；州十有二师，外薄四海，咸建五长。各迪有功，苗顽弗即工。帝其念哉。”帝曰：“迪朕德，时乃功惟叙。皋陶方祗厥叙，方施象刑，惟明。”

夔曰：戛击鸣球，搏拊琴瑟以咏，祖考来格，虞宾在位，群后德让。下管鼗鼓，合止祝祝，笙镛以间；鸟兽跄跄。《箫韶》九成，凤皇来仪。夔曰：“于！予击石拊石，百兽率舞，庶尹允谐。”

帝庸作歌，曰：“敕天之命，惟时惟几。”乃歌曰：“股肱喜哉，元首起哉，百工熙哉。”皋陶拜手稽首，扬言曰：“念哉！率作兴事，慎乃宪，钦哉！屡省乃成，钦哉！”乃赓载歌曰：“元首明哉，股肱良哉，庶事康哉！又歌曰：“元首丛脞哉，股肱惰哉，万事堕哉！”帝拜曰：“俞，往钦哉！”

《尚书·益稷》

禹敷土，随山刊木，奠高山大川。

冀州：既载壶口，治梁及岐。既修太原，至于岳阳。覃怀底绩，至于衡漳。厥土惟白壤，厥赋惟上上错，厥田惟中中，恒卫既从，大陆既作。岛夷皮服。夹右碣石入于河。

济、河惟兖州：九河既道，雷夏既泽，濊、沮会同；桑土既蚕，是降丘宅土。厥土黑坟。厥草惟繇，厥木惟条。厥田惟中下，厥赋贞。作十有三载，乃同。厥贡漆丝，厥篚织文。浮于济、漯，达于河。

海、岱惟青州：嵎夷既略，潍、淄其道。厥土白坟；海滨广斥。厥田惟上下，厥赋中上。厥贡盐、絺，海物惟错，岱畎丝、枲、铅、松、怪石。莱夷作牧。厥篚丝。浮于汶，达于济。

海、岱及惟徐州：淮、沂其乂，蒙、羽其艺；大野既猪，东原底平。厥土赤埴坟。草木渐包。厥田惟上中，厥赋中中。厥贡惟土五色，羽畎夏翟，峇阳孤桐，泗滨浮磬，淮夷蠙珠暨鱼；厥篚玄纁纁。浮于淮、泗，达于荷。

淮、海惟扬州：彭蠡既猪，阳鸟攸居；三江既入，震泽底定。箬簋既敷。厥草惟夭，厥木惟乔。厥土惟涂泥。厥田惟下下，厥赋下上、上错。厥贡惟金三品，

瑶、琨、筱簜、齿、革、羽、毛惟木。岛夷卉服。厥篚织贝；厥包橘、柚，锡贡。沿于江、海，达于淮、泗。

荆及衡阳惟荆州：江、汉朝宗于海，九江孔殷，沱、潜既道，云土梦作乂。厥土惟涂泥。厥田惟下中，厥赋上下。厥贡羽、毛、齿、革，惟金三品，𣪠、干、栝、柏，砺、砥、矸、丹，惟篚、簠、楛，三邦底贡厥名。包匭菁茅；厥篚玄、纁、玕组；九江纳锡大龟。浮于江、沱、潜、汉，逾于洛，至于南河。

荆、河惟豫州：伊、洛、瀍、涧既入于河，滎波既猪，导荷泽，被孟猪。厥土惟壤，下土坟垆。厥田惟中上，厥赋错上中。厥贡漆、枲、絺、纎，厥篚纤纎，锡贡磬错。浮于洛，达于河。

华阳、黑水惟梁州：岷、嶓既艺，沱、潜既道，蔡蒙旅平，和夷底绩。厥土青黎，厥田惟下上，厥赋下中三错。厥贡璆、铁、银、镂、磬、熊、罴、狐、狸、织皮。西倾因桓是来，浮于潜，逾于沔，入于渭，乱于河。

黑水、西河惟雍州：弱水既西，泾属渭汭，漆、沮既从，沔水攸同；荆、岐既旅，终南、惇物，至于鸟鼠；原隰底绩，至于猪野；三危既宅，三苗丕叙。厥土惟黄壤，厥田惟上上，厥赋中下。厥贡惟球、琳、琅玕。浮于积石，至于龙门西河，会于渭汭。织皮、昆仑、析支、渠搜，西戎即叙。

导岍及岐，至于荆山，逾于河；壶口、雷首，至于太岳；底柱、析城，至于王屋；太行、恒山，至于碣石，入于海。西倾、朱圉、鸟鼠，至于太华；熊耳。外方、桐柏，至于陪尾。

导嶓冢，至于荆山；内方至于大别；岷山之阳，至于衡山，过九江，至于敷浅原。

导弱水，至于合黎，余波入于流沙。

导黑水，至于三危，入于南海。

导河积石，至于龙门，南至于华阴，东至于底柱，又东至于孟津，东过洛汭，至于大伾；北过降水，至于大陆，又北播为九河，同为逆河，入于海。

嶓冢导漾，东流为汉，又东为沧浪之水，过三澨，至于大别，南入于江；东汇泽为彭蠡，东为北江，入于海。

岷山导江，东别为沱，又东至于泮，过九江，至于东陵，东迤北会于汇，东为中江，入于海。

导沅水，东流为济，入于河，溢为滎，东出于陶丘北，又东至于荷，又东北会于汶，又北东入于海。导淮自桐柏，东会于泗、沂，东入于海。

导渭自鸟鼠同穴，东会于沔，又东会于泾，又东过漆沮，入于河。导洛自熊耳，东北会于涧、瀍，又东会于伊，又东北入于河。

九州岛攸同，四隩既宅；九山刊旅，九川涤源，九泽既陂。四海会同，六府孔修；庶土交正，底慎财赋，咸则三壤成赋。中邦锡土姓，祇台德先；不距朕行。

五百里甸服：百里赋纳总，二百里纳铨，三百里纳秸服，四百里粟，五百里米。五百里侯服：百里采，二百里男邦，三百里诸侯。五百里绥服：三百里揆文教，二百里奋武卫。五百里要服：三百里夷，二百里蔡。五百里荒服：三百里蛮，二百里流。东渐于海，西被于流沙；朔、南暨声教，讫于四海。禹锡玄圭，告厥成功。

《尚书·禹贡》

时甲子昧爽，王朝至于商郊牧野，乃誓。王左杖黄钺，右秉白旄以麾，曰：“逖矣西土之人。”王曰：“嗟！我友邦冢君，御事、司徒、司马、司空、亚旅、师氏、千夫长、百夫长及庸、蜀、羌、髳、微、卢、彭、濮人。称尔戈，比尔干，立尔矛，予其誓。”

王曰：“古人有言曰：‘牝鸡无晨。牝鸡之晨，惟家之索。’今商王受，惟妇言是用。昏弃厥肆祀，弗答；昏弃厥遗王父母弟，不迪。乃惟四方之多罪逋逃，是崇是长，是信是使，是以为大夫卿士；俾暴虐于百姓，以奸宄于商邑。今予发，惟恭行天之罚。今日之事，不愆于六步、七步，乃止齐焉。夫子勖哉！不愆于四伐、五伐、六伐、七伐，乃止齐焉。勖哉夫子！尚桓桓，如虎、如貔、如熊、如罴，于商郊；弗迓克奔，以役西土。勖哉夫子！尔所弗勖，其于尔躬有戮！”

《尚书·牧誓》

惟十有三祀，王访于箕子。王乃言曰：“呜呼！箕子。惟天阴鹭下民，相协厥居，我不知其彝伦攸叙。”箕子乃言曰：“我闻在昔，鲧湮洪水，汨陈其五行；帝乃震怒，不畀洪范九畴，彝伦攸斁。鲧则殛死，禹乃嗣兴，天乃锡禹洪范九畴，彝伦攸叙。”

《尚书·洪范》

五月丁亥，王来自奄，至于宗周。周公曰王若曰：“猷，告尔四国多方，惟尔殷侯尹民。我惟大降尔命，尔罔不知。洪惟图天之命，弗永寅念于祀。惟帝降格于夏，有夏诞厥逸，不肯戚言于民；乃大淫昏，不克终日劝于帝之迪：乃尔攸闻。厥图帝之命，不克开于民之丽；乃大降罚，崇乱有夏，因甲于内乱。不克灵承于旅，罔丕惟进之恭，洪舒于民。亦惟有夏之民，叨愆日钦，剗割夏邑。天惟时求民主，乃大降显休命于成汤，刑殄有夏。惟天不畀纯，乃惟以尔多方之义民，不克永于多享。惟夏之恭多士，大不克明保享于民，乃胥惟虐于民；至于百为，大不克开。乃惟成汤，克以尔多方，简代夏作民主。慎厥丽，乃劝；厥民刑，用劝。以至于帝乙，罔不明德慎罚，亦克用劝。要囚，殄戮多罪，亦克用劝；开释无辜，亦克用劝。今至于尔辟，弗克以尔多方享天之命。”呜呼！王若曰：“诰告尔多方，非天庸释有夏，非天庸释有殷；乃惟尔辟，以尔多方，大淫图天之命，屑有辞。乃惟有夏，图厥政，不集于享；天降时丧，有邦间之。乃惟尔商后王，逸厥逸，图厥政，不蠲罔；天惟降时丧。惟圣罔念作狂，惟狂克念作圣。天惟五年须暇之子孙，诞作民主；罔可念听。天惟求尔多方，大动以威，开厥顾天。惟尔多士，罔堪顾之。惟我周王，灵承于旅，克堪用德，惟典神天。天惟式教我用休，简畀殷命，尹尔多方。”

《尚书·多方》

惟周王抚万邦，巡侯甸。四征弗庭，绥厥兆民。六服群辟，罔不承德，归于宗周，董正治官。王曰：“若昔大猷，制治于未乱，保邦于未危。曰：‘唐虞稽古，建官惟百，内有百揆四岳，外有州牧侯伯。庶政惟和，万国咸宁。’”夏、商官倍，亦克用乂。明王立政，不惟其官，惟其人。今予小子，祇勤于德，夙夜不逮。仰惟前代时若，训迪厥官。

《尚书·周官》

惟吕命：王享国百年，耄荒，度作刑以诰四方。王曰：若古有训，蚩尤惟始作乱，延及于平民；罔不寇贼，鸱义奸宄，夺攘矫虔。苗民弗用灵，制以刑，惟作五虐之刑曰法。杀戮无辜，爰始淫为劓、刵、椓、黥。越兹丽刑并制，罔差有辞。民兴胥渐，泯泯棼棼，罔中于信，以覆诅盟。虐威庶戮，方告无辜于上。

《尚书·吕刑》

奕奕梁山，维禹甸之。有倬其道，韩侯受命。

《诗·大雅·韩奕》

蛮夷猾夏，后稷之孙。实维太王，居岐之阳。实始翦商！

《诗·鲁颂·閟宫》

丰水东注，维禹之绩。四方攸同，皇王维辟。皇王烝哉！

《大雅·文王有声》

信彼南山，维禹甸之。畇畇原隰，曾孙田之。

《小雅·信南山》

有稷有黍，有稻有秬。奄有下土，纘禹之绪。

《鲁颂·閟宫》

昔有成汤，自彼氐羌，莫敢不来享，莫敢不来王。曰商是常。

天命多辟，设都于禹之绩。岁事来辟，勿予祸适，稼穡匪解。

《商颂·殷武》

天命多辟，设都于禹之。岁事来辟，勿予祸适，稼穡匪解。

《商颂·殷武》

濬哲维商，长发其祥。洪水芒芒，禹敷下土方。外大国是疆，幅陨既长。有
娥方将，帝立子生商。

《商颂·长发》

有虞氏上陶，夏后氏上匠。殷人上梓，周人上虞。

《周礼·冬官考工记》

夏后氏世室，堂修二七，广四修一。五室三四步，四三尺。九阶，四旁两夹